



## **CONVOCATORIA DE RESIDENCIAS ARTÍSTICAS E DE INVESTIGACIÓN "ATOPÉMONOS BAILANDO" PARA PROFESIONAIS DE GALICIA, RESTO DO ESTADO E PORTUGAL**

Colectivo Glovo en colaboración co Concello de Lugo e o apoio de Agadic - Xacobeo 21-22 - Xunta de Galicia presenta as bases da Convocatoria de residencias artísticas e de investigación "Atopémonos Bailando" para profesionais de danza e artes do movemento.

### **Obxecto da convocatoria**

Chámase a profesionais da danza e artes do movemento a presentar os seus proxectos para a realización dun máximo de 6 residencias artísticas e/ou de investigación (exclúense residencias técnicas) para ser realizadas entre os meses de maio e outubro de 2022 en Lugo (Galicia):

- artistas con sede en Portugal
- artistas con sede en España

### **Período de solicitude**

Do 4 de marzo ao 31 de marzo de 2022.

### **Período de realización das residencias**

Do 1 de maio ao 30 de outubro de 2022.

### **Duración das residencias**

Mínimo 5 e máximo 10 días.

### **Tipoloxía das residencias**

Residencias de investigación ou creación de artistas individuais ou equipos que fundamenten o seu traballo artístico arredor do movemento e o corpo.

### **Espazo destinados ás residencias**

Museo MIHL: <http://www.lugo.es/ws/mihl/index.jsp>

### **Compromisos do artista**

- Realizar a residencia no período acordado por ambas partes. Mínimo 5 e máximo 10 días.
- Realizar unha actividade de mediación: sesión aberta da residencia para a comunidade local e/ou comunidade artística de Galicia ou realizar un obradoiro (a definir pola solicitante) ao finalizar a residencia.
- Realizar unha memoria descritiva da residencia (máximo 5 páxinas) e entrega nun prazo máximo de 1 mes desde a finalización da residencia.
- Autorizar ao rexistro en vídeo e foto da residencia.

- Incorporar os logotipos de Colectivo Glovo e Concello de Lugo na documentación que xenere o proxecto así como compartir e etiquetar en redes sociais aos mesmos.
- Respectar as instalacións e o entorno.

### **Aportacións da entidade a través da convocatoria**

- Rexistro audiovisual da residencia.
- Remuneración: Entre 700€ e 1500€ (IVE incluído) por residencia. Realizarase o pago do 50% coa firma do contrato e entrega da factura correspondente antes do inicio da residencia e o segundo 50% coa entrega da memoria e a factura correspondente.

Todos os gastos das residencias correrán a cargo dx solicitante.

### **Documentación a aportar**

Enviarse a email [atopemonosbailando@gmail.com](mailto:atopemonosbailando@gmail.com) a seguinte documentación EN PDF (en galego, castelán ou portugués) co asunto RESIDENCIAS ATOPÉMONOS BAILANDO 2022 + NOME DO PROXECTO:

- Dossier descritivo dos obxectivos da residencia, metodoloxía, contidos e links a traballos anteriores,... (máximo 5 páxinas).
- Duración da residencia e estrutura do traballo a desenvolver e proposta de actividade de mediación (contidos, público destinatario e duración) (Máximo 2 páxinas)
- Currículum do equipo artístico e técnico do proxecto (máximo 1 páxina por persoa).
- Datos completos da residencia fiscal dx solicitante, relación de DNI dxs participantes na residencia e rol no proxecto.

### **Valoración e resolución da convocatoria**

- Nomearase unha comisión de valoración de proxectos formada por profesionais do sector.
- Resérvase aproximadamente un 50% das residencias para solicitantes de Galicia.
- Publicarase aa resolución o día 29 de abril de 2022 na páxina web <http://www.atopemonosbailando.com/> e as súas redes sociais.

[www.atopemonosbailando.com](http://www.atopemonosbailando.com)



Co-organizan



Co apoio de

